

沅  
湘  
耆  
舊  
集

沅湘耆舊集卷第十九

新化鄧顯鶴湘臯編輯

鄞縣沈道寬栗仲校訂

伍副使讓 五首

讓字子謙號益齋衡陽人隆慶辛未進士萬歷甲戌廷試授中書舍人遷刑部員外郎歲餘乞省親歸逾期父卒服闋補禮部郎升雲南僉事督學貴州再以憂歸起補河南參議調南贛道副使以疾歸子謙亦以講學聞嘗與同里劉凝齋劉仙山廖密齋仙居吳悟齋會講於石鼓書院韻語殆非所習也然吐屬幽靜求工於語言者或反遜之

上封寺

憑虛直躡最高峯，野鳥嘯煙紫翠重。  
瀑布晝飛千嶂雨，秋聲夜動半山鐘。  
珠林有路通仙界，玉檢何年自上封。  
便欲餐霞生羽翼，山靈應恐笑塵蹤。

贈濟上人

深公不用買青山，飛錫煙霞此閉關。  
香閣梅檀諸品淨，人天鐘磬老僧閑。  
眼看分竹成龍種，手自栽松有鶴還。  
借問禪心何所似，白雲無繫水潺湲。

衡山道中

肩輿出郭正春晴，縹渺衡雲入望清。  
日煖迴塘飛白鷺，風恬芳樹度新鶯。  
漸看碧落親遊客，已覺青山不世情。  
杖屨

重來尋舊跡卻疑身世入蓬瀛

天聖巖

仙人樓閣倚青霄躡磴穿雲度石橋獨坐靈巖無一事憑  
闌忽聽鳳皇簫

白雲居士拾瑤華來往人閒歲月賒一自驂鸞輕舉後滿  
山猶帶舊煙霞

曹僉事一夔

十三首

一夔字雙華武岡人萬歷甲戌進士授行人考授  
監察御史巡視山東長蘆等處鹽法巡按四川轉  
浙江嘉湖道兵備僉事所至有聲以望謨去官歸  
田後築室同保巖之麓鍵戶著書足跡不履城市

與岷藩長史永春顏廷桀範卿友善範卿負詩名  
有將別都梁同劉維南明府張希孝徵士蔣期聲  
文學集曹侍御宅觀圖卷詩云留連杯酒若爲親  
去住何深淚溼巾執手莫言天下事班荆豈是路  
旁人圖書今夜名家賞渤海明朝去國身無那萋  
萋春草綠定知相送出城闌可想見一時酬唱風  
雅之盛雙華性篤孝博學強記著有虛白堂集及  
祀鄉賢

登威溪山

潯勝來百里威溪山境僻大塊疊層巘欽嶇石磴窄兩足  
披浮雲所恃青筇策瀑水濺衣涼溪潏成帶索沿溪歷凹

凸蔥背雲竇剗壁削龍門險路還鳥道繹蜿蜒界山阿梯  
級開阡陌頂矗青螺堆長亘蒼龍脊蹲趾躡茅根一步復  
一卻回顧半天影恍惚褫神魄前欣峻坂夷轉盼溪痕埽  
度坂怕素心盤躡坐沙磧躊躇行且止恨不翔雙翮遐舉  
翠微寒清風生兩腋奈此濟勝具難脫塵寰迹逡巡苦巘  
旣空憶王喬舄皆冥嘯孤猿揶揄山鬼嚇欲扶盤石安險  
虛虎豹迫匍匐歷巉嶢豈甘中道擲山上復有山奄忽青  
天夕攬衣結翠深秀把芙蓉摘堯封指顧閒八荒歸几席  
搔首發狂嘯蒼昊驚咫尺一釋向平愁甯爲兒女役嵯峨  
琢天手白日雷霆闢吼雲黯素秋萬峯雙掌拍塊然土木  
骸今作青雲客上有避秦人雞犬亦猶昔燒鼎煉還丹并

註遊仙籍手把黃庭篇口叱神羊石穀神永不化兮服黃  
金液逍遙日月旁馭空雙龍適飄飄御沆瀣彷彿來姑射  
慨此擔簦遊陶然岸白幘豈應夙世緣或更紫霄謫所以  
幻世軀乃見神仙宅

南山

徙倚南山上蕭森野色漫秋聲引崖溜鶴語落松湍雲逼  
羣峯白風高兩腋寒詩成發長嘯大塊此生寬

豐山

春郊扶杖愜遊情陌柳如風暢曉晴石竇白飛千澗雪山  
萬紅疊萬花城空餘丹鼎盧侯跡寂寞秦臺竹樹聲此日  
登臨興家發芒屨無地任雲行

春暮探春行入谷一竿黃日萬山曛茶鐺試火僧回夢竹  
榻傳經鳥慣聞石罅雲深迷不度芙蓉寒削翠無羣壇荒  
竹掃空人世獨坐禪房對此君

一派晴嵐拂翠濃香臺天外鎖芙蓉赤標琪樹明丹閣白  
練寒流繞玉龍風靜壇空誰掃竹林深煙暝一聞鐘勞生  
試卜從師地共道虛侯鼎未封

### 寶方山

探春偶入桃源曲日落鳴鐘叩上方花散諸天傳佛語雲  
深萬壑有僧藏蘚蝕繡斑迷禹碣茵鋪瑤草藉金光初衣  
何處逃塵孽石洞芙蓉紫翠旁

洞門瑤草白雲深千樹萬樹綠森森消愁濁酒混塵世返



照層臺起夕陰山寺依微看鳥度巖湫彷彿聽龍吟石牀  
丹竈空流水有約仙靈何處尋

夫彝雜詠六首

山垂青影水拖藍老眼模糊帶酒酣遙望白雲千澗雪誰  
知霖雨到江南

扶桑挂日雨初晴一片嵐光畫不成我欲結珂鳴玉珮醉  
招黃鶴朗吹笙

斜裁古路破寒煙風景依稀似輞川安得王喬雙舄到化  
爲嶺去上青天

誰鞭怪石點江容嗽玉涵波山影空千頃碧流舟一葉滄  
浪歌起度天風

飛流百丈響潺湲界破青山兩幅寒些  
氣香爐飄不盡滅  
成珠玉與人看

潭種青蓮舊有名又憐明月碧潭生  
珊瑚絕弄寒空影不  
斷香風夜太清

曾文恪朝節

入首

朝節字直卿臨武人萬歷丁丑進士第三授編修  
歷侍講諭德進侍讀學士少詹事升南禮部右侍  
郎掌翰林院終禮部尚書贈太子太保諡文恪有  
紫園草文恪家故貧父銳爲郡吏攜公兄弟讀書  
官廨中郡守蔡汝楠晨起聞讀書聲異之左右以  
公對試以藝大見嗟賞目銳曰若子將大君門猶

役役文墨吏耶遂資之讀公學初亦從王心齋入  
以近裏著已爲功困公車二十年旣入翰林值史  
局侍東宮最久因事納誨必歸於道立朝三十載  
廉靜敬慎非道不言年七十卒無子以弟朝符子  
廷棟嗣紫園草二十二卷載明史藝文志今未見  
僅從方志及詩綜採入古近體八首

齊陵篇贈元公宗子

明王不復周東日百家學脈山之東六經刪述杏壇上萬  
世於以開羣蒙帝王治運有代嬗遂令海岱恢儒風堂堂  
洙泗流復斷日月晦蝕長夜同諸家橫議作鬼語漢儒訓  
詁徒能工後來辭藝闕藻繪往往竄入儒林中其間一二

亦超卓頗窺正緒收微功升堂見解祗影響千年那得真  
詮融中州以南說吾楚洞庭雲夢涵虛空元氣磅礴舜峰  
頂濂溪直與洙泗通五星奎聚有微光眷陵一旦生人龍  
圖將太極揭宇宙三才萬象宣鴻濛六經以移談著述通  
書妙義天人窮文章簡勁抒渾噩斯文崛起日再中嗟予  
生晚託鄉里空從載籍瞻儀容頻年學道渺知識老將耗  
及慙蒼穹先生後裔今人傑延賞新命君恩洪都門覲見  
儼舊德瓊瑤把贈情懷濃月巖風景無邊在他年會訪春  
陵翁

方正學祠

祠堂開木末宛在闕庭前縷經舊君服離騷絕命篇已知

心匪石肯汙筆如椽瓜蔓抄雖毒遺文百世傳

共結蒲團坐

共結蒲團坐澄澄俗慮消荒村羣動寂淨土萬靈朝響入  
疑空梵聽餘轉沆寥定知車馬客終不耐塵囂

紫玉園雜詠

市遠東林道深幽曲隄西竹籬局院落草樹隱山蹊曉襲  
紅芳度春饒紫霧迷撲人如百和渾似武陵溪

山靈豈無意圖畫到今開深護水流處巧當門外來薜蘿  
還匝路風雨正登臺應好尋佳侶閒心付酒杯

谷口四山合掩扉煙雨中偶然窺上日瞥爾坐看峯樹杪  
來高岫尊前蓋遠空祝融翠堪把吾擬駕長虹

送蔣敬吾授麻陽學博

此地譚兵憶昔年故鄉文教尙依然鯉庭祿養傳新檄鱣  
席橫經擁舊旃桃李欲滋蠻谷雨風雲不隔薊門天都亭  
落日愁爲別望盡行程起暮煙

南臺卽事

峯頭霽色山山見樹杪風聲日日聞傍寺花開看寂寂隔  
窗禽語白云云爲滋靈藥常飛雨欲護禪牀每駐雲燈火  
秋空羣籟息月明天淨坐宵分

張布政文耀

二首

文耀字芝陽沅陵人萬歷丁丑進士官銅梁巴縣  
知縣擢御史出爲雲南副使調川東參政歷四川

左布政使卒祀鄉賢著有二酉洞草方伯歷官滇黔巴蜀所至倚以爲重平播之績尤偉功旣就有嘗之者乃乞休歸歸後滇雲烏西城邑復多殘破乃詔起公田閒至則勞來綏輯西南以安旋授雲南右布政使不就今所存詩僅二首聲情委婉其言藹然若不知以功名顯者然可以覩所養矣

夏日同客集北郊崇興禪閣

青山曲曲抱孤城山外晴嵐倚檻生別後風塵堪一笑重來邱壑倍多情天連遠水浮雲盡寺擁長林落照明我自十年稱吏隱對君何惜放歌聲

憑虛樓小集

送臘江梅花滿枝逍遙聊訂歲寒期壯懷無計留青史吏  
治多虞媿素絲相命且傳鸚鵡蓋同袍應念鵲鴿詩諸君  
雅意存桑梓好以詩猷慰所思

車參政大任 一十四首

大任字子仁邵陽人萬歷庚辰進士授南豐知縣  
謫平谷尉復由遵化知縣入爲南評事歷禮部郎  
中出爲福州知府以外憂去服闋補嘉興府擢嘉  
湖兵備副使分守溫處參政以母老請養歸里居  
二十載歿祀鄉賢祠子仁幼有神童之目十歲附  
縣學籍官南京時問學於鄧文潔羅近溪耿子健  
諸公居官政績卓然所著有囊螢閣正續集四十



卷兵燹後板燬明史館開部檄指名徵取其家無  
以應僅載傳是樓書目屠隆序稱其詩雄壯秀朗  
其人氣韻蕭疏此中粹白其見重於時如此邵陽  
車氏以文學世其家幾於人人有集然皆自子仁  
發之屠緯真云子仁詩色華而不艷音俊而不靡  
妙得詩家所賞而不犯詩家所忌足稱擅場  
陳玉叔云子仁詩有風致而不傷於境有才情  
而才泥於氣和平溫厚得古人之遺靜志居詩  
話子仁見賞吳明卿明卿贈詩曰靈均慷慨追三  
后太史憑陵陟九疑子仁深自喜也詩頗閒放無  
局促態

劉侍御招遊無念閣同梅參軍李廣文舟回紀事

凜凜北風生况在寒江上搏沙偶一聚主客亦云暢迴棹  
日向夕郭門遠相望石尤勢益狂中流肆飄蕩孤艇欲退

飛白首翻雪浪轉舵捷無神東西旋異向嘉會不逾時萍  
跡增感愴徘徊岐路閒煙峯疊千狀延緣登彼岸牽挽過  
亭障秉燭坐茅堂談鋒轉清曠我心初不動我遊當日壯  
雪霽剡溪時前溪問新釀

過秋田訪胡先生墓二首

行行邵陵西秋田君故里墓碣久淒涼花竹空如綺懷古  
亦何心踟躕獨不已詩魂千載存云我誰何氏

三唐多偉人君亦聲名早尺檄破南蠻豈事空文藻詠史  
詩百篇芳蹤猶可考家還苗裔存誰爲傳君草

金谿苦雨

咫尺金谿道年來幾度過郵程千里急鄉夢五更多雨色

迷芳草風聲走濁河泥塗軒冕意去住欲如何

送吳求叔還蒲圻

我留君且住盡日醉春醪作客修長缺歸心慰大刀片帆  
淮浦遠匹馬楚山高莫負重來約相思夢寐勞

哭達兒

嗟哉余薄德捧檄出衡門有子俄成幻無人爲返魂百年  
空歲月一別老乾坤英氣歸何處資江草色昏

經史儲胸富風霆縱筆生食牛空有氣吐鳳竟何成詩是  
平生好書傳永訣情天涯供藥餌俯仰總天親

蕭瑟風霜裏何方旅櫬行圖書應改色猿鶴總吞聲乍去  
還疑返長幽不再明九泉慰兒母花誥近沾榮

平谷署新成酬王明府

小坐衙齋萬慮沈  
題詩况復見同心  
繼來庖廩供朝夕  
借與圖書閱古今  
邊邑有年公事少  
孤臣無恙主恩深  
一枝已愜鵲鵲願  
莫羨翻飛向上林

平谷答客

吏散庭空早閉門  
焚香煑茗當開尊  
鄉書易斷衡陽雁  
客思難聞楚峽猿  
榆塞風沙生白髮  
草堂煙雨促黃昏  
微官牢落心能靜  
賴爾清吟一晤言

膳部差還舒愼吾  
王思履唐元宇見過元宇有詩次韻爲答

十年京國夢郊扉  
南北蹉跎始願違  
官似馮唐留滯久  
人

同官馬倦遊歸山中臘酒供萊蕪江上晴雲戀釣磯匡濟  
嚴廊公等在早看簪筆奉彤闥

差歸和同年曹侍御雙華見貽韻

萍蹤到處憶維桑朋舊音書更渺茫偶爾馬卿榮諭蜀已  
判顏駟老爲郎青山霽雪供題賦黃鳥春風勸舉觴豈謂  
聖朝羅隱逸漁竿長自戀瀟湘

乙未仲春自南膳部聞福州之命

五載握蘭棲粉署一朝分竹出彤墀秣陵花鳥渾無奈閩  
海風煙重所思榕葉綠齊新雨後荔枝丹熟早秋時江山  
到眼堪娛侍待取三山獻壽卮

劉在田侍御詔起西臺送別

聽馬翩翩去不留使臣銜命別滄洲六亭山色難招隱  
海蒼生待運籌破斧缺斯勞遠役新絲舊穀總深憂還朝  
天子如相問先道湖南困播酋

紫泥新奉上長安白簡霜飛六月寒直以肝腸圖報稱正  
憐時事劇艱難千村杼柚憂何亟百貨征徭法未寬補袞  
回天須妙手早裨廟算罷中官

監司伍公容庵與稅監忤棄官過歸余甚壯其行而  
竊有慨焉成四律

湖南半載挂冠歸恥向紹璫競是非但使鶉衣鐫井稅肯  
從豸繡戀輕肥攀轅父老思遺愛避繳冥鴻羨遠飛獨恐  
英雄心骨冷人人願采北山薇

半是生平鐵石腸肯因世態負行藏三難始信鮮于駿一  
詔終殞漢武皇自倚忠肝酬犬馬誰能怒臂效螳螂從今  
中貴驚相似果有青松傲雪霜

年來守令苦摧殘天聽胡然重內官宦海總知風浪惡雲  
林須信網羅寬已知豺虎方當路誰似鮎魚復上竿縱有  
海山充貢賦君王未可解頤看

一去翩翩不可留賢豪袖手臥林邱豈無府海官山策卻  
抱城狐社鼠憂蘿薜萬家空杼柚繭絲無計緩征求回天  
須獻郇模字襪綫何由到冕旒

砥柱磯

丹樓百尺瞰城阿勝地今來始一過花戀晚春紅豔在樹

迎新夏綠陰多雲山已許銜杯酒煙浦還能老釣蓑更擬  
雙清待明月細從石上詠藤蘿

同宋明麗甘昆原曹南麓唐元宇高吉軒登雙清亭  
白蘋涼露楚江東臨水看山巾舄同雙棹正逢溪水合百  
錢何惜杖頭空秋生花樹葳蕤後人在樓臺掩靄中明日  
分攜南北去不知何處聽征鴻

方明府招同曹劉二待御張楊二憲副何進士飲雙  
清亭

磴道岑樓高復深喜同召父共登臨總偕鵷鷺青霄侶一  
聽琅玕白雪音老樹霜濃添勁色清江雪淨洗煩襟聲傳  
鐘磬山常寂何處滄浪孺子吟



北塔

兩江傾向邵陵東一塔高標砥柱雄  
水勢自環村郭外山形如列畫圖中  
丹梯迴步塵凡隔碧落遙驚笑語通  
絕頂登臨頻極目滿城佳氣靄青蔥

與臨清武雙溪

十載相逢章水濱與君同醉異鄉春  
誰知今日清源道又向天涯別故人

鄧參議啟愚

四首

啟愚字良知潯浦人萬歷庚辰進士授處州推官  
擢戶部主事轉工部郎中出守南陽遷汝南副使  
兼布政司參議以老病乞歸尋起雲南布政使未

赴卒參議居官廉惠入河南名宦十賢祠詩不多

見有兩都草少谷詩集

敬浦志雜識少谷佳句七言如中秋云月明雲漢三

千里人

醉金風十二樓虎溪阻風云驚波暮送襄

王雨野

渡朝橫楚客舟滕王閣云江湖萬里來秋

氣砧杵

千家送暮愁雨至新鄉云名酒止堪耽阮

籍似刀

空白說王祥五言如天落空潭影江沈古

渡煙谷

暗猿啼月天寒雁叫霜溪聲分水碓草色

上瓜田

樹老黃陵廟沙明青草洲此類甚多朱竹

垞明詩

綜甄錄極博而此獨逸以行世者少也

### 遊石盤山

端坐忽不樂晨積苦未蠲攬衣抱神期曙景翻可憐清絕

片翳除晶晶明遠天偕彼羊求侶兼茲引勝賢尋幽上盤

石途徑隨蜿蜒環溪倚白竹

溪名

水竹相澄鮮翕翹紛瑤草

霏微散紫煙登高聊騁懷遠色何芊緜潯曉洞庭波培嶼

九嶷顛縱目極天表引手探星躔東瞰陽谷瞰西睨弱水  
壖恍然御鴻蒙渺矣忘蹠筌聞說采三芝可以望九仙信  
矣當吾土况乃耳目前顧承雲閒露斷絕區中緣儻逢王  
子晉笙鶴應翩翩

鶴鳴山

別去此山久到來塵夢稀鶴鳴如識客雲冷欲沾衣古徑  
苔痕澀寒天月影微無端嘶馬去重與紫芝違

招屈亭

楚國孤臣舊此遊楚天今古一亭幽徘徊正是消魂地搖  
落堪悲何處秋夜雨常懸湘水憾寒雲不斷武關愁簪  
欲續離騷賦岸芷汀蘭慘未收

鱸峯懷古

白注在潯浦世傳唐善卷隱處

鳥道猿聲第幾重  
半天藜杖夕陽峯  
陶唐難起煙霞癖  
荆楚時遺邱壑蹤  
碧水一池秋浸月  
綠蘿千尺曉凌松  
尊鱸不待西風起  
洗耳懸瓢尚可從

劉太常應龍

二首

應龍字文見一字在田邵陽人萬歷庚辰進士授  
昆山知縣行取御史巡按山西福建北直隸遷南  
太常少卿甫一載卽乞歸屢推巡撫不起太常有  
清望居臺二十載所至釐姦剔弊風采肅然尤深  
於性命之學著有一得編韻語非所習也偶傳二  
首不離神偈蓋心學之弊明季士大夫皆然不僅

先生也

次韻東山寺無量袈裟

菩提無樹况枝條  
法界重重萬劫超  
丈六金身餘我相  
衲衣留待衆生描

鐘磬無聲鐙自明  
袈裟右袒說無生  
大千世界非非想  
潑地蟾光何處擎

蔡太僕承植一首

承植字槐庭攸人萬歷癸未進士授建寧府推官  
歷戶禮二部郎中出爲嘉興知府擢南太僕少卿  
太僕性清儉律身甚苦守嘉數年未嘗以越裝絲  
忽遣子孫神廟時海內有四君子之目太僕其一

也詩不多見殆非所留意云

登司空山觀洗藥池

一枝藤有大因緣挂到山顛別有天古樹千章圍薜荔懸崖半壁立雲煙誰言白日飛昇處尙贖司空洗藥泉歷劫茫茫陵谷變宰官偏爾是神仙

曾郎中鳳儀二首

鳳儀字舜徽號金簡耒陽人萬歷癸未進士歷官禮部儀制司郎中負氣敢言亦以講學名官禮部時東宮未立同岳元聲等面詰首輔王錫爵於朝房光廟正儲實與有力焉歸後從張陽和究主靜學訂朱子摘編倡建集賢書院於衡祀昌黎鄴侯

清獻濂溪四君子捐貲購田以資講肄方廣有朱  
張祠燬於火至是迎兩主合祀其中又嘗與曾文  
恪公置會館於京師至今賴之詩格老到然不離  
禪語明末諸君子講學未有不入於禪者也

入方廣閣藏

獨上招提靜掩扉青蓮朵朵漾晴輝  
齋分香積和雲供步引金繩夾日飛  
澗水時清居士耳谿霞巧映定僧衣  
少林傳得空王印印著空山第一機

訪鶉居藏六上人

暫停車馬訪鶉居地遠塵氛氣象舒  
雲挾青山當法座月將碧澗入茅廬  
遊蜂輕逐蓬花漏唳鳥斜窺貝葉書  
見說

華林傳勝事好攜二虎話真如

王太僕佐一首

佐字小虞一字襄父武陵人萬歷丙戌進士授吉安府推官歷吏科給事中神宗時抗疏請建儲被放光宗立敘爭立功召爲太僕寺丞歷太僕寺正卿以老告歸祀鄉賢詩不多見僅得其七絕一首亦頗不入格以其爲慝公所推服故錄之以存其

人

龍君御與襄父書齒錄畧曰吾兩人幼皆岐嶷善爲文弱冠輒先後成進士筮仕皆以理起家

著

廉平聲字爲理六年登特達之薦十有八刻竟中貝錦去已用博士入蘭省爲宗伯屬而襄父用

治

行高等召拜夕郎守吏垣不雨年以讜論擢逆

鱗

遂被放歸田廬幾廿餘年而予浮沈中外入歷

南

北計曹出而治兵西塞者再樹尺寸逐寇功復

中

言者以詩酒薄責歸隱清谿得與襄父數數相



過談煙霞物外之事矣志行畧同又非徒與齒耳  
第陳其概趨庭事二人聚歡百順敦睦宗黨人無  
閒言其篤孝友同也仕則斤斤三尺桌案四知所  
鞭者蒲所茹者榮皆垂橐無長物而又襄父能披  
肝瀝血以效骨鯁予亦揮戈決策馳驅朔漠其彈  
忠愛同也里居則抑然白下不與物忤視身如執  
玉赴善如赴流而又恆挺人難不惜齒頰不憚解  
推其勇於義俠同也鍵關謝客則日手一編俯仰  
千古蒐獮邱索綸俱圖經而又課讀課耕不廣畜  
殖味貽安之旨守知足之戒其薄於世味同也餘  
露避世則雲林茶竈釣具扁舟訴源於蘭洲芷浦  
而與赤髯白足羽衣黃冠並錫潭林問丹靈洞談  
無生之理叩卻老之方  
其逍遙於方外同也

入枉山

入眼琉璃寶地開  
筆牀茶竈幾回來  
流香飛越三千界  
須是吾身尺寸裁

沅湘耆舊集卷第十九終

沅湘耆舊集卷第二十

新化鄧顯鶴湘皋編輯

鄞縣沈道寬栗仲校訂

龍

八常脩 五十七首

膺字君御武陵人萬歷庚辰進士除徽州府推官  
以言事謫溫州府學教授稍遷國子監博士升禮  
部主事復謫兩淮運判轉鞏昌通判歷同知遷南  
戶部郎中久之出爲山西僉事轉甘肅叅政終太  
常寺卿有九芝集太常少有才名成進士時年方  
弱冠慷慨論事以澄清爲已任其上書諫選宮女  
及請轉題災異兩疏反復切至有古名臣風其在

湟中時嘗以文士躬擐甲冑飯酪眠雪與士卒同  
甘苦青海松山之戰暖泉麻山之捷皆與有功詩  
其餘事也歸後屏跡漁仙自署漁仙長又卜築瀝  
園號瀝公逃禪茹素疏布自甘俸入盡散諸親友  
愛才尤篤汲引後進如不及所存詩甚多當其盛  
時與王元美汪伯玉屠緯真輩馳騁詞壇傲然無  
所屈亦嘉隆後楚風之勁者明詩綜止錄其南歸  
聞鴈一詩殆未足以服君御也

登白嶽絕頂

白嶽何鬱律層巔極屣屨策步凌陰峯振衣眺陽崖仰拂  
青冥上俯囑絳室垂煙樹緬蒼蔚宮闕低參差深谷杳無



予于役湟中蒿目戎事因據往蹟著於篇

屬國秉純懿忠義良獨完持節使匈奴身爲募士先危機  
啟降胡遺患豺虎開丁零召受辭佩刀引自殘舉劍復迫  
脇激烈志罔遷幽置大窖中卧齧雪與旃牧羊北海上掘  
鼠充朝餐右校置高讌辦詰心悲酸自分已死久請畢今  
日歡湯鑊信甘之願勿復再言越歷十九載性命亦屢捐  
帛書繫鴈足幸獲仗節還白髮報天子大牢謁陵園拜秩  
二千石賜子百萬錢金帛贖脣子令終靡有愆麟閣形已  
沒芳問垂億年

營平何赴赴垂老事戎行金城上方畧料敵如探囊秉夜  
遣三校銜枚渡河湟先零驚無道狡焉侵西疆引兵討不

庭窮寇走且偪斬虜十餘萬戰士不離傷舛开感威德  
地歸靡忘釋甲故死守瓦解戎與羌弛兵留屯田浚渠治  
津梁乘塞飭門具列隧遙相望便宜十一事愷切陳未央  
天子下羣議僉謂謀謨臧用是克西戎振旅承寵光胡爲  
酒泉守矜功急漁陽璽書命出塞詭辭陳中郎起難固匪  
哲保軀豈云良閭外忌中制賢者計久長懿哉忠讜言可  
以悟明王功成乞骸骨勛伐垂旂常

犖犖馬奉高知勇無與儔羌戎沒疆吏上厓西顧憂拊髀  
思虎臣誰其通涼州奮身誓滅賊自任陳良謀奉命乃出  
守所志報國讐請募力士俱簡試拔距尤鼓行渡溫水孤  
兵騁深縣羌伏十萬衆乘險遮道周戎車按入陣廣隘隨

所投岸渠曜白日鳴鏑如雲流醜虜驚若神迅發不暫留  
轉戰千里餘斬馘積山邱長驅入武威征旆何悠悠威信  
振河隴今古歌壯猷馳使奏天子知遇良已酬專任折羣  
議哲哉主德優

宿廢邑端氏古剎偶書

役役疲遠征白日沙磧晦石樓鬱嶺岼沁流浩奔匯遺墟  
問晉封荒郭溯漢代名猶端氏存邑已先朝廢依稀聞絃  
歌颯沓聆梵籟旅服亦旣緇塵容不遑禪寶相瞻摩尼法  
座湮蓬塊方丈閉儲胥山僧習耕耒古德有慈明宗門著  
風概會遊潞澤聞竄名混火隊露宿造汾陽卒嗣昭公派  
往來楊李閒把手遊方外西河師子兒須彌納纖芥元風

邈不揚安復望若輩俯仰千古誰能契無礙出入世閒  
法解脫等自枉那得慈明流與之談三昧

原注楊李謂宋楊大年李郁尉

### 重遊北禪寺紀事三十六韻

昔余來湟中戎事方孔棘虜騎躡西郊羽書密於織決策  
誓翦除借箸彈籌畫一鼓戮長鯨川流咽膏血蒲類空拂  
廬葱嶺掃服匿迺得假餘閑方輿蒐往籍積石溯山川月  
支肇疆域淫獵蹕隋皇留屯頌充國風氣異中州清涼界  
西極夷習崇法王祇林喜巖飾最勝稱北禪雄峙北城北  
三峽流崩澎千巖障窮劣兵燹剝屢殘九泥戶堅塞伊予  
啟重局榱題盡剝蝕鳩工式載新締造罔遺力貝闕圮崇  
基僉謀始埏埴布地一袈裟倒影入功德僭錫水月名預



想星河偏何期竟賜環再入省廬直彈指十餘春成功中  
不卽余復持節西竹馬迎熊軾父老歌甘棠餘陰賴休息  
海鹽受羈縻田農樂畊殖重爲北禪遊伊蒲可中食殷廡  
歸然村閭相委其側丁甯償夙盟懺悔捐往愆庶民欣子  
來人天儼登陟蘇公資福碑白傅東林集乘轉法輪緣將  
銷綺語業慧地導羣迷密因證摩偈兜率覲如來珍龜榜  
彌勒聊現宰官身爲作善知識予亦文字禪代演廣長舌  
宏誓濟含生前徽踵芳則山月照高城遍湧黃金色揮管  
銘須彌僧祇永不泐

詞社三集陸渡航大雨分賦

郊居僻且幽竄然隔闔闔曉起步前墀草木鬱蓊夢愁聞

怪鶴鳴日中乃見沫號號震豐隆陰靈何鬢鬚有滄海  
霓窮忙慰畊耒金鱗恣噉嚼翠篠宛淥醲南鳥呼鉤輅方  
池流沆漑對此亦何憂我心獨憤憤烽火急避西戈矛隱  
行內柄鑿角門庭朝昏幻物態誰能換人羣疇其穆天緯  
暫作林中遊藏名竄草萊嘉宴集良朋往復不啻再矯矯  
標雲柯亭亭拔屋椽北苑集西滄稽藏寶樂敦縱論備峭  
函小飲澆磊塊願希古逸民甯與流俗倍殷勤申短謠擲  
豪發長嘅

觀大龍湫醉歌

昔聞鴈宕勝今爲鴈宕游鴈宕天池不可見池流天際飛  
靈湫始入花谿轉千壑祥雲靄靄芙蓉削手摘芙蓉梯白

雲浮嵐漸與青冥薄，歟忽晴雷擁翠空。倒流直與銀河通。  
玉女洗頭晞白日，雙鸞凌影涵長虹。快意當筵振簫鼓，狂  
呼動地蛟龍怒。閃鑠驪珠驅電光，噴薄風雷任吞吐。有時  
天飛生羽翰，有時尺蠖爲泥蟠。縱橫變化自眞宰，誰能冥  
悟窮其端。神物於吾故族類，爲潛爲見吾何意。自知龍性  
未可馴，但言嗜嬾復嗜醉。安得有酒如茲泉，醉來一卧三  
千年。何須蜿蜒參駕飛九天。

友人還明州賦此爲別

君家於越余家楚，薊門春暮發南浦。榆葉如錢柳絮飛，古  
道連鑣轡如組。遍踏名山學向子，直入桃花問漁父。稱詩  
把酒夜未央，欹枕攤書日亭午。但言相賞莫相避，相過不

知誰客主孤鴈驚迴海國雲千楓忽散瀟湘雨君今淒其  
思故里子亦遲回戀吾土天際扁舟去不留江上離歌聲  
獨苦努力長楊賦已就傷心小草知何補蹤跡猶期到五  
湖饕餮况自甘三釜寄語煙霞護句甬漫教猿鶴悲天姥  
他日班荆話疇曩君爲越歌子楚舞

春江泛雪同汪司馬賦

春江平春水綠木蘭正艤江之曲嫋嫋黃楊夾岸垂雙雙  
戲鳥淩波浴江城一夜遍春風白雪紛飛玉樹叢潮落錢  
塘雲浩浩天低嚴瀨煙濛濛泛泛春江置春酒苜蓿春盤  
薦春韭謝庭作賦遜康侯梁園受簡慚枚叟倚舟悵作越  
江吟春雪霏霏春水深此夜歌春翻郢曲何時載雪更山

陰

讌集王康成梅花館卽事

江南江北可憐春  
雪花歷亂梅花新  
霰壓瓊枝嬌欲折  
英含玉液香更烈  
阿誰東閣賦初成  
欲掩揚州水部名  
王郎愛客開高館  
色浮青蟻尊中滿  
倒插疏枝綠玉瓶  
馥馥輕颺透曲櫺  
美人纖弱如束素  
挑燈顧影翻相妬  
左手持花右舉觴  
四坐讌呼夜未央  
請勿吹羌笛  
落江城空寂歷  
請勿彈秦箏  
彈飛隴雪多悲聲  
悲何以兮悲遠別  
勞君折贈心如結  
賴有吳郎墨妙奇  
濡毫點染冰霜姿  
梅花含笑託知己  
年年歲歲春風裏  
不逐殘霏委路傍  
永結芳盟待

吾子

秦萬年從燕中過訪塞上臨別賦贈

富亦夫何須貴亦夫何須男兒擲此七尺軀莽莽乾坤從  
所知逡巡龍生一文士攤書日撫烏綈几誰教袴褶戎馬  
閒右屬囊韉左鞭弭曾從都護出陰山關氏喋血馬蹏騰  
賭命豈博用後印歸心但視刀頭環檄書徒約魯連矢橐  
餽空羨侏儒米秦生秦生儒者流衰衣襤褸長安市時遊  
狗屠藏姓名閉門編蒲事筆耕府中爭識三語掾坐上能  
致五侯鯖忽乘秋風度沙磧七月千山雪花白把衣盡是  
肺腑親連牀況有文章伯秋澄魚海青無烽塵生寶篋雙  
芙蓉貝葉經繙傳半偈葡萄醅熟傾千鐘客爲吳歌吾楚  
舞笑殺西平一杯土挽迴日御魯陽戈鞭扑山祗巨靈斧

吾曹會合如有神爲歡那復慳酒緒眼前離別差挂意黃  
河赤嶺非吾鄰但言西去涉蒲類天竺崑邱闕靈異安得  
縮地費長房與爾方駕凌風翔金仙酌我甘露漿玉女襲  
我素霓裳栢棧恒河杖天柱樂如何其樂未央吁嗟富貴  
儻來那可必方外神州亦空迹與爾諸子有宿盟桃花自  
有神仙宅我猶未歸爾且行煙霞預敕北山靈草堂物色  
獲真宰蓮品初心飯上乘語爾拋卻班掾筆燕然石上羞  
勒銘

望石門霖雨潭短歌

風雨出西谷山山煙霧迷谿壑潌澗夕流駛披榛距石還  
杖藜翠兕中天樹華闕闕闔干尋峙雙碣排空豈假武丁

開樓霞定是羣靈窟當門髣髴凌雙童誰司啟閉其豐隆  
璿房瓊室邈難卽龍潭直與銀河通巖阿雲水氣參錯瀑  
水遙從雲際落不斷淩激日夜流常驚濤潛風濤作礪石  
鱗鱗碧玉堆湓流應響如奔雷弄珠神女淩波立濯髮仙  
翁跨鶴迴曾開謝客披雲卧高歌千載誰能和石門幾處  
至今疑誰子遍踏層雲破

送歐陽宜諸比部守昭平

才子爲郎美無度器比南金貌冠玉翩翩鳴佩白雲司行  
行露冕丹霞麓垂楊羽蓋出蒼龍芳草朱輪挾元鹿橘山  
峯列七十二荔浦灘迴三百六蠻童歌舞吹匏笙洞女衣  
衫截筋竹風候不與中土殊江鄉况接清湘曲從來卧理



稱簡淳更遠徵求免荼毒尊餘桑落花滿階几有桐焦案  
無牘會見璽書褒鳳皇重看刀劍資牛犢五馬專城復少  
年努力勲名起良牧

長句送劉斗墟水部守貴陽兼呈中丞郭公時有征  
播之役

君不見文園才子漢相如六傳飛馳駟馬車諭蜀親題尺  
一書冉駟邛笮歸比閭又不見牂牁太守漢陳立膽畧威  
名震殊域夜郎斷手且亭側卧漏鉤町悉股栗詔賜黃金  
爵九級嗟哉夷隙開唐蒙罷兵誰識公孫功邇年黔蜀急  
邊烽播首豕突時西東天子震怒興西戎四方徵調儲胥  
空拊髀宵衣思郡將入治軍書出治餉廷臣名藉劉郎上

劉郎起草青縑帳慷慨棱棱樹風望料敵談兵何骯髒虎  
頭況是封侯相一麾萬里分虎符羽蓋熊幃出帝鄴東方  
千騎西南趨候吏負弩爭先驅懸知到郡聲名大談笑偏  
師如竹破雷奔彗掃平逋播理繩應最渤海課閑閑還同  
淮揚卧尊前與君別牛渚長干二月花如雨語君幸勿薄  
蠻府出身努力酬明主彼中肝膽誰相許昭代麒麟郭忠  
武

送吳肩兆

夢陽

還吳興

昔年別君長安道黃金臺上淒秋草今年逢君石頭城秦  
淮渡口春江平幾年浪跡阻南北明月清風憶顏色記昔  
爛醉偕高陽楚舞吳歌子夜長君今斷飲遊方外持齋不

噉郎官膾骨立依然山澤癯興來那惜川原迂木蘭雙楫  
白來往脩脩兩袖浮雲俱忽然興盡挂帆去銷魂江令難  
爲賦琵琶一曲奏離鴻片片晴霞散江樹

感遇篇爲陸履素都運賦

知己良獨難感恩復何若靈蛇攄尾向隨侯鹽車驥首希  
伯樂一顧千金價歟增徑寸明珠報甯薄古來軀命等鴻  
毛直將意氣凌山岳士爲知己死女爲悅已容試觀管輅  
鮑此道何其隆輓近人心漸不古媚如狐狸悍如虎昨日  
投歡今日非轉眼相猜面相許才士每爲世所御清流最  
與俗人忤七尺浮沈意不平千秋激烈淚如雨狂予自是  
儼葛人身名那分誤風塵束髮曾爲大部理垂老論交司

馬氏南州懸榻愧陳蕃北海忘年造元禮斗口城頭結白  
榆一時雲集東南美倏忽波濤陸海翻扁舟歸卧桃花源  
問字誰過楊子宅張羅卻比翟公門有美乘來丁令鶴衡  
茅鎮日停車軒謂古武謬許文章歸阿士頻勞脫粟進王孫  
三十復通倉龍籍博士說經坐重席容臺典禮始爲郎草  
堂移文謝逋客潦倒欲乞步兵廚招延思置鄭莊驛纏牽  
終合累飛黃寂寞從渠嘲尙白流言橫被少年名青蠅滿  
目何營營自是賈生遭絳灌不緣嚴助厭承明小草一辭  
東山墅滄波狎主西南盟最愛煙霞了公事祇愁貴賤殊  
交情何知真宰有深意混跡魚鹽稱傲吏憐余賴有陸長  
公立語肺肝出相示攬衣宛若平生親折節能收衆所棄

吏散提壺退北鄰公餘載舫遊山寺悔茲謫也晚能令判  
亦貴美醞何須太樂丞半俸豈知溧陽尉長公世系古華  
亭時論歸之如景星步武機雲擅文藻顏行遜抗足儀型  
蔚起芳聲滿江海爭傳高義薄青冥伊予幸從大夫後疏  
拙於人寡諧偶世怪稽康嬾絕交人譏季布善使酒獨有  
東海屠長卿謂公此君殊否否公言一見勝百聞誓與青  
山共白首縋綬初彈王貢冠殷勤更結蕭朱綬人非鹿豕  
羣懼聚詎能久湖山黯澹別相將秋水盈盈一葦航乍離  
銀河悲牛女直指金陵詠鳳皇肅肅孤鴻遵遠渚蕭蕭落  
木委繁霜始擬觀濤賦枚乘空懷載雪過王令狎遁聊從  
方外遊投荒忽奉關中命天末風煙倍客愁美人遙隔越

江頭此時此別空相戀何地何年復相見豈期跼玉京朝  
天熊罴翠蓋饒聯廟函谷真人占此氣漢京使者動星躔  
把手招禁悲喜集欲語不語相對泣鐸燈呼酒飲盡觴爲  
問湖山但於邑信宿淹留不忍辭追陪文學各稱詩如何  
庾亮能乘興更有匡衡善解頤輕薄人疑京兆尹風流地  
比劉家池公脫寶刀投別乘子紉雜佩賄將離郊門送上  
長安道轉幘留歡殊草草暝煙衰柳黯銷魂浮雲北望令  
人老僕夫掩涕促公行駟牡駢駢指帝城帝城紫禁春風  
度清燕明堂歌湛露六衢車蓋何紛綸萬國纓簪謁紫宸  
賜金特地宣長吏召對何人薦遠臣思君君日遠悲春春  
漸晚知已如君世所無何以報之空嗟吁空嗟吁投班氏

之管棄終軍之編報國報恩惟此軀

燈夕後一日晉邸以詩見懷敬次元韻應教

珪錫唐封地書傳晉世家淮王招桂樹楚客頌椒花寶翰  
標黃絹珠函擁絳紗向來勞設醴密坐瀉流霞

翦綵傳柑候屠蘇獻玉樽鴻文披兔苑魚素下龍門草比  
瑤華麗蔡分火樹繁持歸驕楚里璧月照仙源

楊希于參戎招遊鎮江沙圃時有大松山出塞之捷  
背城聊小築緩帶有餘閑角射穿沙徑圍棋對雪山大松  
傳捷至細柳按車還塞外一尊酒相看已破顏

北泉雜咏

沙磧鄰青海郊垌傍翠微境宜湯社集病與酒人違山骨

捎雲瘦溪毛鳳雨肥潏潏時一弄珠濺薜蘿衣

香山白傅社疊嶂湖公樓長薄村煙匝平皋麥浪浮溪聲  
全帶雨嵐氣半含秋灑土鄉心切生涯一海鷗

得袁中郎小脩洛下書并出塞詩用韻和答

雙袖朝飛石浦雲林蘭芳閣思飢飢迎來一水桃根楫註  
就三車貝葉文齋謝太常終佞佛畧輸充國老從軍雅歌  
濁酒渾無事明月澄江獨憶君

讀江伯通貫山說爲余得倒水巖漁仙洞喜而賦答

之自注洞名漁仙爲馬伏波避暑地下  
有石如梁名馬石左有溪曰龍家溪

倒水屏環百二峯中撐天柱削芙蓉石穿雲竇猶傳馬溪  
遠煙村舊姓龍三徑無資需賣賦十洲有籍乞移封江郎



挾得生花管特爲山靈勒鼎鐘

秋日登鶴鶴樓張元易先生詩來和答

鶴雀千年尙有臺  
乘秋嘯倚碧天隈  
東瞻虞井卿雲爛  
西望函關紫氣來  
何處真人傳九籥  
誰家故里接三台

自注  
蒲有

張氏三  
相里

彩豪健在君無敵  
搖落深慙楚客才

再簡元易先生

獨倚危樓四顧頻  
虞原秋色倍嶙峋  
千山對峙條連華  
一水中分晉與秦  
壁馬曾聞沈瓠子  
鐵牛猶見鎖蒲津  
扶興王氣鍾靈秀  
定有文章百代人

過澤州謁周心翁師話舊述感

提兵仗鉞出祁連  
選將褰旗逐左賢  
三錫彤弓酬偉伐  
一

尊緣野介長年鴻翔欲學臨雍隱熊卜還期渭水畋門下  
乘繻人自愧半生文酒誤談邊

西征方畧上留屯嬰鍊歸來道益尊朋黨從渠爭蜀洛朝  
廷無事問羌渾千齡久授安期法百口深懷杜佑恩此日  
登堂何以報願題通德廣師門

寄楊脩齡侍御時按黔中以戲墨見貽

關河秋色片鴻翔萬里音塵問渭陽繡斧遠馳天子使檄  
書先斬夜郎王豪箋雙絕成遊獻俎豆三賢借表章寄語  
花谿耆舊社一尊煙月待漁航

自注脩齡爲先祖太渠公  
及蔣道休文摘庵兩先生

建三賢祠於黔省以三賢  
皆黔名宦又皆吾里人也

張華岑年丈同令予懷之招飲郊園看菊卽事

遶天尺五氣崢嶸仙掌芙蓉列畫楹蘿徑雲翻千岫合松  
扉煙裊一溪濺名家臺館森喬木騷客尊罍泛落英猶記  
杏園春色醉可堪短髮請長纓

塞上得五兄隔歲書卻寄

悔脫緇衣別柳湖谿山入夢思模衡奇耽物外身堪隱老  
暴行閒計亦愚管子才情今漸禿麴生風味索全孤歸雲  
句語蓮華社莫計陶園容易蕪

昔年何事戀微名方笠團蒲有夙盟五岳尙羈婚嫁債連  
牀難割弟兄情簪吸浮嶼栽千柳菌閣欹湖架幾楹卻病  
不煩鈔肘後一函松底覓無生

微士幽居與世忘翛然主計託滄浪談深摩詰花茵滿書

富康成革帶長何日耆英開洛社幾回春興夢池塘前生  
無著天親是歸共袞羅禮法王

王天庚朱無逸周宗之陳去病及九弟京集陸度航  
分韻

新齋密樹鳥嚶嚶信宿愁霖乍喜晴花月鷗江尋勝友風  
波鯨海脫餘生騷人雜佩蘭兼茝野老香廚笥共櫻莫惜  
頻來談世外杜陵愁殺土兵行

漁仙洞選勝二首

福地由來護百靈蓮花窄崑插青冥誰驅仙島移羣玉更  
借神工劈五丁蒼石猶留葑象跡赤霞疑刷鳳皇翎優游  
枕漱從吾好選勝山顛卓一亭

洞天原是神仙宅巖壑今爲處士居謾道姓名藏石室豈  
緣骨相列星書垂蘿不愛東山屐芳草時迎下澤車新息  
壺頭成底事何如生計武陵漁

漁仙雜述四首

進艇白石灘漁仙渺何處直過龍家溪遙識前村樹  
纔入漁仙口盤渦水一灣丹崖閒鐵壁連亘十重山  
馬石俯青谿檀藥萬竿竹仙犬吠柴門層樓架山麓  
飛虹石作梁蜿蜒龍山下舉頭見丈人彷彿陟太華

南歸聞鴈

征人家近古瀟湘楓葉初丹橘柚黃憑爾先將歸信寄莫  
言風雨隔衡陽

秋夜宿武山

霜冷烏嘒夜欲闌  
白榆歷歷過簷端  
孤槎曾作尋源客  
清切星河枕上看

送夏文學遊衡岳

扁舟何處采江籬  
月冷瀟湘鴈影遲  
攬遍芙蓉七十二  
好探金檢問辛夷

夜自東園歸得袁中郎德山諸詩讀之甚快惜不一問桃花園而去走筆留之

桃花萬樹秦人居  
黃精爲飯芝爲蔬  
長休自具神仙眼  
好去同窺石室書

我家兄弟俱好奇  
留賓不減習家池  
檀園松閣饒花月  
處處

處判君倒接離

仲秋重過朗軒壁上醉題

醉別山堂四月餘  
秋風重爲命  
籃輿賞心須罄牀頭酒醒  
眼仍看壁上書

積雨秋郊雨乍晴  
遠山含黛故相迎  
綠陰庭際花兼竹  
華髮尊前弟與兄

話別清秋惜鴈行  
相期投老白雲鄉  
青谿一帶檀園是  
湘水樓鄰杜若堂

哭江進之督學

才子恩承聖主優  
持衡重指錦江頭  
碧鷄金馬今何在  
空遣王褒到益州

蕭條旅櫬泊江干來往應嗟蜀道難  
暮雨魂銷神女廟曉猿聲咽使君灘

江鄉風雅久寥寥  
弔屈憐君欲廣騷  
絕筆雪濤空閣在詞  
碑何處使人招

按雪濤集中有哭龍君御詩自注云時有誤傳者御海南之信者詩成君御實未死存此省他日再作豈知哭進之者反爲君御耶讀兩家集覺一時諧語可噱亦可哀也

閱仕籍見言事諸公尙多挂名州邑有一二朋好已  
遊帝鄉漫賦

稜稜風節舊仙班一出春明幾賜環  
痛殺修文泉下客尙留謫籍在人間

揚希于參戎招飲西郊卽事



幾分邊色幾分春三月西郊遍綠蘋喋血戰袍纔卸卻飛  
花故點白綸巾

橋流野水入池塘墩覆長林挂夕陽有客圍棋歡折屐時  
人錯比謝家莊

喜雨

騷陽一何虐寢處不遑甯蒿目哀蒼赤齋心叩紫冥責躬  
裸鳳戾率吏薦明聲巫覡焚奚補縈零詔有靈曝暑當煜  
爛彭翼奮清冷雲觸中條石嵐生太華屏千林初繞電萬  
壑已驚霆窗綺斜霑幙檐繩下建瓴呪翻無畏鉢驟滴藥  
師瓶霞際光如蜃風前氣尚鯉河曾沈舜壁階復灑堯黃  
廣陌槐滋綠崇臺柏鬱青舞枝呼稊子負耒慰租丁膏潤

傾屑漢威濤盪四瀛乍鳴高垓鸛盡滅大田螟齏色來神  
甸薰颺皮曲櫺顏公寬獄決鄭守使車停眞足稱甘雨須  
知仗福星憂聊寬漆室喜欲記蘇亭驄轡咨諏日還看奏  
闕廷

沈湘耆舊集卷第二十終

沅湘耆舊集卷第二十一

新化鄧顯鶴湘阜編輯

鄞縣沈道寬栗仲校訂

孫給事羽侯

四首

羽侯字鵬初華容人萬歷己丑進士歷官禮科刑  
科給事中有遂初堂集十一卷見傳是樓書目鵬  
初生長名家詩格清迥卓有師承惜不得其全集  
小除日登平石山歷石門七女諸峯

歲暮快野遨駕言陟層嶂萬木日蕭瑟十里峯遙向高高  
平石山獨立心怡曠巨人跡夔絕雲母泉清漾中與石門  
連絕境凌蓬閭黃精神女供丹藥羣仙藏松檜蟠靈根衣

冠閼深莽嶺雪競晴晃崖瀑散餘瘴江湖左右繞鹿豕朝  
昏傍俯視藐培塿四顧離塵埃安得同盧敖八極隨筇杖  
春園雜詩二首

到處徵求苦蕭然老一邱誅茅揚子宅種橘李衡洲濁酒  
看人世青門憶故侯梁鴻亦有婦廡下擬相投  
野曠炊煙迴江深宿霧重藥苗經雨長竹筍破苔封高枕  
移清晝深杯到夕春柴門無過客病體得從容

擬古樂府

郎船泊湖頭儂船傍湖曲夜半風浪生移船相並宿

莊侍郎天台十八首

天台字德全一字冲虛長沙人萬歷己丑進士改

庶吉士授編修累官少詹事卒贈禮部右侍郎有  
莊學士集宗伯居宮僚久以端謹稱所存詩不多  
亦清婉有致李麟光莊學士集序開書論才於三  
明三百年信陽北地稱盛中原而茶陵以樂府冠  
之弁洲歷下七子標榜而興國抗之公安竟陵立  
標樹幟致使王李氣衰是三楚人文無所附於天  
下而天下之風會常依附焉沖虛莊先生當隆萬  
之際讀書中秘書官至少宗伯學問經濟直繼茶陵  
今得胡聰巖司鐸之太表章而刊布之與懷麓堂  
集並行海內其有功於文  
獻豈獨三楚之厚幸哉

病起懷故園

歲序駛如電疾疢空相尋春華坐衰歇庭柯散清陰感此  
不自持悠哉懷故林湘月澹疏竹衡雲低素琴結茅流水  
閒意與澄波深如何久離別負此濠上心薰風昨夜至爽

韻生衣襟耿耿向天末能無莊舄吟

偕郡大夫飲叢桂園

偶從冠蓋後長嘯狎名園五馬如龍過三春負日暄酒香  
花自媚歌細鳥無言醉眼雙橫白都忘郡牧尊

園中雜詠

瑟瑟風千里盈盈水一灣自天移碧漢擁地入青山蜃氣  
岑樓外蟬聲古樹閒何如彭澤令醉臥北窗閑

高棟方移午城陰半覆牆不知雲漠漠更覺樹蒼蒼斗逼  
銀河下秋空玉宇涼倩誰攜美酒邀月據胡牀

白日移輕棹沿溪引興長岸花明錦纜林雀下牙橋浦逗  
蘼葭亂洲回橘柚香自諧漁父意鼓枻詠滄浪

落花詩三首

深心盡付子規啼，狼藉歸來路轉迷。  
紅粉牆頭人已遠，綠陰庭畔日初低。  
悔從遊子爭顏色，賴有詩人入品題。  
多少豪華同寂寞，不妨人世判雲泥。

虛負臨軒羯鼓催，一時紅雨亂飛埃。  
似隨羅襪凌波去，肯幻巫雲入夢來。  
九陌風陰連道路，千門霧靄鎖樓臺。  
自緣金屋多招妬，憔悴無言祇自猜。

見說逢春又惜春，芳姿能得幾時新。  
卽看鸞鏡空分影，縱畫蛾眉亦讓人。  
雲薄旋消脂粉色，月明如澣綺羅塵。  
可知聚散渾閑事，漫向人閒作醉茵。

三月十六日款陸津陽太守於瞿園



竹裏行廚晚，更移樓船簫鼓御。馮夷拍隄春水浮，煙棹夾岸桃花映。酒卮河上仙人看，並渡武陵漁父笑。相期湖南亦有山，堪賞誰道風流是習池。

十一日趙兩同昆季攜酒偕瞿養所共酌，雨至有述。爲愛幽棲足晝眠，美人相問出華筵。由來趙氏稱雙璧，況有瞿童是列仙。樹影流雲沾席上，溪回鳴雨過尊前。酒酣一曲清平調，散作秋聲滿洞天。

夜泛

燭散平臺酒半曛，池心泛月滿全分。波含秋氣清如水，風捲歌聲響入雲。客似山陰乘夜色，槎疑海上動天文。相攜枕藉忘歸去，遮莫鄰雞醉裏聞。

自南嶽歸憩公館賦謝康見東周建宇二年丈

叱咤重開嶽頂雲清樽涼雨夜論文不緣地主高軒過那  
得山房半榻分嶺外煙霞窺戶入人間雞犬自天聞何時  
更定尋仙約並遣藍輿跨紫氛

春閨怨

可憐楊柳花隨風低復起飄泊落誰家莫向深閨裏  
等閒見花開等閒見花落閒卻紫羅衫春來不曾著

贈郭恭罔致政山中

容易浮名解誤身羨君眞作漢陰人門前我亦饒湘水何  
日從君乞釣綸

塞下曲

地敞龍荒殺氣高  
旌旗夜夜指臨洮  
前軍半盡黃河水  
月慘沙場風怒號

登祝融峯

萬丈丹梯手自攀  
仙家如在五雲間  
秋清靈籟空中度  
疑是參君笙鶴還

五嶺迷茫紫氣重  
三湘迴合散芙蓉  
丹霞片片生虛壁  
應護當年玉檢封

李文莊騰芳十四首

騰芳字子實號湘洲湘潭人萬歷壬辰進士改庶  
吉士授檢討少負才名以經濟氣節自負時三王  
並封旨下公爲書投大學士王錫爵語甚切至錫

爵憮然淚下明日遂反並封之詔屢遷左諭德時  
有以黨議構顧天峻者公疏救不報遂拂袖歸語  
其父曰天下將有事而舉朝但爭閒是非無一爲  
國家久遠計者不數年當有蠟丸徵兵之變奈何  
家居十年詔以擅去貶太常博士又以京察謫江  
西理問光宗立起行人司正擢少詹事旋拜禮部  
右侍郎御史王安舜劾其驟遷公辭避不允天啟  
初以故官協理詹事府尋改吏部左侍郎丁內艱  
加禮部尙書歸魏璫惡公爲東林黨又與應山同  
鄉御史王際逵因論公被察驟遷丁憂進官皆非  
制遂削奪崇禎初再起禮部尙書卒官諡文莊公

負清望歷事四朝屢起屢躋官翰林時知制誥所  
上封事及安攘至計疏卽關國計民生及邊疆機  
務京師戒嚴調置捍禦隱然以一身爲長城雖未  
大竟其用公論翕然推服其所樹立亦足以表暴  
天下後世矣所著有湘洲全集十一卷詩一卷四  
庫總目提要騰芳學宗土守仁故集中第二卷有  
陽明集鈔序反覆幾千言發明良知之旨然留心  
經世喜談兵事其策倭安攘至計疏及進成繼光  
兵器諸疏猶非徒以禪學縱論者矣集無序跋不  
知何人所編據卷首家傳稱其平生著作燬於峒  
寇此本蓋由掇拾而成故十卷中多有錄無書別  
以補遺一卷  
刻於宋云

春郊

積雨一室昧惘然見晴旭萬象意欣欣光潔宛新浴郊行

樞幽賞舉目得遐矚灼灼原外紅悠悠涯際綠道者二三  
子壺觴隨所欲心閑發妙言情真樂彌足久坐憺忘歸將  
行謀所續

### 虎丘寺

好山復依水舍棹得緩策積陰翳微岑疏蘿滑高脊縹渺  
一徑盡堂皇見蒼石嵌空臨深潭卓鐵立層壁窈然劍池  
水恐是厚地脈中峯有浮圖落日倒空碧孤亭延稀光百  
里見毫髮遊屐夜更多新秋涼可惜吾亦憺忘歸憑軒時  
岸幘

### 博望驛

孤亭瞰虛空危闌翼石壁亭亭數株松雲端發深碧起視

羣巒聳溪光亂相射盤梯花倒看入閣煙相逼雨過萬瓦  
鳴鐙殘四村夕疏星柳外明河漢看不隔去矣問津人空  
思泛查客

晚眺

暝色來天地攜筇獨上城萬山含日氣獨樹起秋聲野柝  
無停響寥空時一驚頻年厭烽火愁絕又徵兵

春睡

入春耽枕簟起當亭午時柳色日中好無人風自吹已於  
書作惡分與睡相宜簪紒殊閒事低頭愧白絲

衡陽舟中

薄暮江煙裏相看一解顏浪鷗無定渚霧豹有深山過客

東西老孤舟天地閒江流原浩浩吾道自多艱

山中九日

謝事逢人少拋書得病多山花開黯澹修竹影婆娑雲去  
天長淨林空鳥欲歌牀頭無斗酒好菊又虛過

再簡子陵

野人高臥湘江頭跣足披髮何所求無榻難懸徐孺子有  
眼願識韓荆州天空高下任孤鳥海濶浮沈隨白鷗莫話  
古來彈鋏事三花少室好相謀

秋夜登樓有懷

月明今夜獨登臺霜落星殘萬戶哀山氣浮沈環樹出江  
煙濃澹夾城來臨風忽下三秋淚抱月空銜兩地杯傳語



行雲須看管孤舟此夕又江隈

簡邵山人文英

側身天地有孤岑病裏誰操白雪音  
明月祇高雄劍氣綈袍那結故交心  
時名未必如潮海吾道相看已古今  
老去詩才感搖落對君羞作二龍吟

與陸無咎語

我學無生心已休忽逢奇士語深仇  
因君再擊漸離筑不覺高天白日幽

塞下曲

漢軍十萬盡防胡大將牀頭出虎符  
畫角一聲齊上馬腰橫寶劍紫花騶

雙臂珣弓兩石開身環鐵甲射生回胡笳吹罷黃雲合醉臥沙場酒一杯

香閨空有夢相牽水瘴沙黃路幾千破得樓蘭聽凱奏夜來猶枕大刀眠

江提學盈科 四十五首

盈科字進之桃源人所居距茱蘿山不遠故又號茱蘿萬歷壬辰進士除長洲知縣擢吏部主事歷官四川提學僉事有雪濤閣集十四卷雪濤托當時有盛名其曰雪濤者以其地有白馬江懸水數仞衝激之勢變態萬狀土人呼曰雪濤故以名其集雪濤之名最著隆萬以後談詩者頗宗之袁中

郎推尊尤至至云嘉隆以後未見其比又曰進之  
死天下豈復有是人哉其許與如此今按雪濤詩  
集近體可存者多古體鮮佳者又先生嘗采明代  
軼事分爲四綱十六目一曰四維二曰四常三曰  
四奇四曰四凶各爲小傳明史藝文志作明臣小  
傳十六卷四庫存目作明臣十六種小傳四卷  
余增輯楚寶以先生入良史蓋不欲僅以詩人目  
之也袁中郎雪濤集序云進之才高識遠務矯今  
代蹈襲之風詩文超逸爽朗言切而旨遠窮  
新極變物無遁情然不無矯枉之過靜志居詩  
話進之與袁中郎同官吳下其詩頗近公安派持  
論亦以七子爲非特變而不成方者中郎謂其矯  
枉之過所謂笑他人之未工忘己事之已拙文人  
通病大抵然矣

自述

昔予宰長洲百事紛縛束徵比急如火文案高於屋上官  
與貴人往過來復續東走又西馳自視如奔鹿過時不得  
餐子夜不得宿如此六寒暑萬苦皆諳熟一朝轉銓曹賀  
者趾相屬俄而改廷尉弔者如欲哭予心殊不然脫勞勝  
加祿卽今處閑曹五日一視牘客至不束帶飯香始櫛沐  
快活似頑仙何計官冷燠善哉老氏言知足真不辱

感懷

妾本邯鄲女容華皎秋月曉窗窺鸞鏡朱唇照綠髮嫁爲  
廝養婦井爨勞不歇花鈿鎖蟲網塵土相汨沒蛾眉羞更  
靖瘦削餘皮骨無鹽是何人覩顏在君側命薄祇自憐勿

憾塞修拙

秋官署中簡諸郎

九列清華侶分曹粉署閒垂簾門似水持判案如山入坐  
鳥聲細埽階花影閑太平多暇日瀟灑近臣顏

道熙空漢園風澹寥虞絃散吏名還隱清齋舍似禪委蛇  
時狎鶴笑語恰聯蟬坐對爐煙寂翛然骨已仙

佳樹繁陰合空堂五月寒罰金寬北寺引操出南冠明主  
容持法諸郎易守官西樓餘爽氣乘興一憑闌

袁中郎移病南歸

亦惜千門哭無如二豎何暫須親藥餌姑且臥松蘿白羽  
林閒少青山枕上多煙霞莫成癖當復念民疴

梁山道中

梁山驛亭道十載憶重經雲束峯腰白松蟠路口青林鳩  
嘯雨溼水鳥掠波腥奔走成何濟蹉跎感鬢星

棘寺簡同事

冷局官無事虛堂地絕塵印閒苔繡匣几靜雀窺人古樹  
簷交覆幽花砌自春聖恩原浩蕩吏隱縱波臣

散誕身疑鶴蕭條署欲秋官甯卑棘寺鬼或怨梧邱祇願  
湯寬網還期禹泣囚昆蟲欲暢遂草木入歌謳

敢云能照覆但自切臨冰決獄思空圍臨書想結繩門非  
邀駟馬傳恥列蒼鷹白笑慈悲意居然有髮僧

高春初對仗亭午乍分衙槐綠張油幕榴紅疊綈紗清霜

披水簾香雪剖田瓜飽共諸郎謔歸鞍到日斜

舒諫議

報國肝仍赤憂時夢亦勞  
三湘憐斥逐五嶽縱遊遨  
荷芰裁初服煙霞護佩刀  
紅顏憔悴盡不敢賦離騷

鄉信

鄉人傳口耗聽說倍傷情  
巴峽連烽火黔中斷路程  
父兄皆稅餉郡縣盡屯兵  
搶攘今如此何緣見太平  
寄言鄉父老努力事趨將  
但遣播酋破莫虞荆楚傷  
百年休息久一旦轉輸當  
祇恐揭竿起田園入戰場

悶坐

靜知官是贅閒與鶴爲鄰  
有藥難驅老無方可療  
貧夢嫌

簪釵破愁仗酒調勻坐隱烏皮几科頭懶著巾

登煙雨樓

天外憑虛此勝遊層臺縹渺鏡中浮四圍殘柳秋先落一  
抹疏煙晚漸收海島妖氛飛羽檄樓船將士枕戈矛東山  
此日渾多事把酒憑欄欲涕流

朔方兵變

共道天王守四夷櫓槍底事埽西陲貔貅一變爲豺虎城  
郭千門入鼓聲諸將不聞遺隻矢九關那更受丸泥杞人  
不盡憂天意攬鏡朝來鬢欲絲

登樓

畫樓高處與雲齊日彩盈盈入戶低桑子爛紅鳩共醉草



花交碧蝶羣迷湘山南望懷鄉井烽火東來怨鼓聲無意  
更裁王粲賦幾回欹枕夕陽西

出都感懷

匹馬翩翩四望孤羈心迢遞挂東吳風前雨色時疏密雲  
裏山光半有無古井寒聲吟絡緯空濠秋意老雕胡愁來  
無計堪銷得欲向前村問酒沽

出宰長洲作

朝向金門部寸符暮驅羸馬向東吳朔方將士還流血南  
國征徭久剝膚叩闕買生原有疏寬民尹鐸豈無謨好憑  
一掬先憂淚灑向胥臺草木蘇

書思

萬里滇雲寄一官天涯歸路正漫漫荒煙遠浦迷春色細  
雨孤城釀暮寒鄉思隔年頻入夢客愁向晚只憑欄可憐  
寂寞誰相對細把梅花獨自看

昆山舟中睡起

旅泊婁江一口程姑蘇望入晚雲平天連海氣全低岸潮  
挾溪流欲上城客裏鄉心成遠夢枕邊涼雨作秋聲醒時  
自擬還山賦麋鹿從來無俗情

郭劍泉少卿

蛾眉曾奉漢宮春翻向長門老此身官謫黃州名轉大人  
歸白社隱偏真還丹自煉千年藥把釣閑垂百尺綸祇恐  
飛熊能入夢闔閭城下有蒲輪

顧雲門諸公召集徐園

嵐光冉冉護山房得共諸賢一舉觴  
曲沼荷殘吳苑雨疏檐橘老洞庭霜  
不堪作賦悲秋色乍可登臺送夕陽  
吏事明朝還碌碌莫辭翦燭更徜徉

弁園弔王元美

中原才子已淪亡空使詞壇美李王  
問字客隨芳草去吹笙人共紫鸞翔  
芳華荏苒含秋色池館蕭疏上夕陽  
漢室他年徵著作遺編應出弁山堂

聶化南轉官駕部

白雲紅樹兩悠悠把酒離亭對素秋  
日月長安新護蹕風波陸海舊同舟  
江東父老還祠廟遼左王師正借籌  
珍重

諸公勤遠畧閉關何損漢神州

春日睡起思歸

信手題詩不忍刪詩成差可破愁顏  
倦來快活無如睡世外便宜只有閑  
花到開時防易落燕從來日算應還  
官貧莫更憂歸計巢許何曾費買山

送李郡丞歸豫章

柳色金昌澹曉煙一聲柔櫓盪輕船  
靈均被放非關老元亮歸田不待年  
花塢竹林閑世界酒觴棋局小神仙  
夜窗閒作蠅頭字擬續潛夫第二編

樊侍御疏請建儲被譴

封章慷慨若爲裁白日虹光燭上台  
定策深謀同綺里摘

瓜危論敵黃臺長流莫道天威峻不殺微窺聖意回詔許  
功成建儲位孤臣含笑竄蒿萊

薇省頒歷感賦

征途役役老風煙腸斷毛詩采杞篇歷日偶從天上至梅  
花併向隴頭傳自注時有驛使贈梅清香撲鼻宜三嗅華髮催人又  
一年誓報君恩憑馬齒自傷無力可回天

署樓遇雨

隔樹疏雲翠不流斜分爽氣入高樓雨聲過去涼如洗山  
色飛來澹欲秋出水盆魚看潑潑媚人梁燕語啾啾風光  
滿眼都宜酒取醉花前莫論籌

送張吉甫荊州恩貢

武陵人自愛山川流水桃花任歲年寶冊乍崇堯母號詔  
書新起伏生賢章華臺畔初題賦王粲樓前一繫船聖主  
已開三殿待更應騎馬去朝天

同何大令雨集榮國莊園

鳳簫鼉鼓閒笙簧紅燭高燒列兩行梁苑薰風堪借客楚  
天涼雨足飛觴蒲葵漸逼端陽候蘭芷偏饒大國香騎馬  
歸來酣醉後隔江漁火起滄浪

簡王小虞給諫

抗疏歸來臥小山風霜不蝕逐臣顏洞中伴侶瞿黃輩物  
外逍遙鹿豕閒酒約詩盟尋白社香爐茗椀付青鬟莫云  
天上都無夢聞道君王已賜環

眞率齋同人感賦

咫尺龍光接紫宸  
天顏不復覩羣臣  
草深御輦迷巡轍  
花落封章鎖網塵  
口歷久虛閒太史  
前薪疊積老行人  
丁甯棘寺江廷尉  
只管張羅莫計春

中江道中

四圍山靄散空濛  
松檜蕭蕭紫翠重  
慈竹葉濃難耐雨  
蜀葵花老不禁風  
漸看野曠中原似  
更覺江流楚水同  
回首劍門千里外  
羊腸猶繞夢魂中

上大司馬王霽翁

轅門午夜將星明  
十丈朱旗閃錦城  
三省封疆歸節鉞  
百蠻君長服威名  
躬裁地理安屯堡  
手挽天河洗甲兵  
試向

籌邊樓上望四郊歌舞昇平

貔貅十萬猛如虓軍令分明寂不譟羅鬼何須煩繡斧荆  
蠻爭自貢包茅召回蛟澤新哀雁埽盡西南舊叛巢莫道  
成都淹使節宣麻應到李文饒

辰陽舟中

沅江春水綠如醅柔櫓輕搖響易哀十二湘簾都捲起放  
將山色入船來

甸頭道中

山路都無一腳平馬蹏未下已魂驚綠溪兩岸皆榛莽不  
見水流聞水聲

閬鄉道中

按閬今通作閬



雨後紅塵淨不飛綠陰如雪灑征衣與中渴睡偶然覺一  
對山鳩深樹唳

臨湘驛夜雨

山館支牀夢未成芭蕉葉上可憐聲居人爭繪瀟湘景偏  
是今宵不忍聽

李膺墓

郭舟荀御狂推宗亂世甘心徇敵鋒牛背從來無禍福始  
知阿祖道猶龍

棧道

逶迤棧道遶溪斜槿戶前堂見幾家籬落荒涼荆棘裏蜜  
蜂飛上野藤花

讀張魏公傳有感曲端

子聖焉能蓋父凶曲端寃與岳飛同何人爲立將軍廟也  
把烏金鑄魏公

靜志居詩話徐秀才善敬可一日語予曰周公謹  
小人哉張魏公朱子所父事何可毀也予曰公謹  
三代直道之遺也宋之南渡將帥有人可以戰可  
以守自寄閭外之權於後喪師動數十萬元氣重  
傷營諸屏夫不能復起矣後於李綱趙鼎輩則劾  
之於汪彥伯秦檜等則薦之尙得云好惡之公乎  
圭曲端之諫與檜之殺岳飛何以異而讀史者務  
曲筆以文致端有可死之罪不過因浚有子稱講  
學浚死徵國公爲之作狀天下後世遂信而不疑  
爾中郎朱仙鎮詩已極悲惋不若進之一詩露磨  
張日詢詩家  
之南董也已

姜給事性一首

性字幼蒙巴陵人兵部侍郎廷頤子萬歷壬辰進

士授鉅野知縣擢戶部主事歷刑科給事中以冊  
封趙藩請假歸里卒幼蒙性骨體刻苦如寒素九  
齡時當得父廕推以與弟年十二著下帷賦舉於  
鄉不第閉戶君山十年既釋褐令鉅野設保赤倉  
十二義塾七大修教養之政居諫垣兩載當神廟  
靜攝時疏凡百八上力言內臣取旨之弊語皆沈  
痛又請定湖南運漕水次至今便之詩不多見非  
所留意也

登岳陽樓

削出君山水面橫湖光煙景逼山城誰能收卻樓頭趣千  
古風流一子京

張工部嘉言一首

嘉言字克揚湘潭人萬歷壬辰進士授廣州推官  
入爲工部營繕司郎中克揚性明決其司理廣州  
也故事邊海參遊官兵歲遠出汎遇修船則裁其  
食以資工費獨總兵所部不出汎亦不裁食一日  
主者議裁總部兵大譁謂推官實司耳目直上聽  
事喧訴克揚立堂上呼曰汝等言雜不中聽盡少  
退推能言者五六人上階語予且爲汝區置衆諾  
以六人上白前事克揚遂言曰汝欲不減亦得但  
大府惡汝等逸而參遊兵勞自今欲汝等與參遊  
兵更番出汎汝甯不往乎往則修船時亦同參遊

兵減食矣汝所爭非汝曹得享而參遊兵更代者  
利也何不聽稍減猶得歲歲稱大將軍兵安坐而  
食乎六人俯首不能對克揚大言曰汝六人當自  
署姓名來便爲汝白事皆相顧錯愕克揚曰無姓  
名卽有訴誰爲達者乃一一籍其名以上卽變色  
語曰汝六人諭衆必使無譁譁則按籍先斬汝矣  
衆懾而退無敢譁者其臨事果毅如此

苦雨

夜夜乾星照溼土朝朝鳩歸去其戶農人四月栽新秧三  
寸秧禁幾日雨今年斗粟百五十畝望秋成一百日農家  
舊穀沒多時可憐惟有天公知

陳太常宗契 五首

宗契字祺生一字景元衡陽人萬歷辛丑進士歷  
官福建道監察御史巡按浙江因父疾假歸尋補  
畿輔提學不赴天啟初晉通政司參議陞太常寺  
卿以逆璫擅收三疏乞終養崇禎三年詔起兵部  
右侍郎未聞命卒有文集二十卷太常初官御史  
時毅然以彈擊權勢自任屢疏論輔臣李廷機請  
誅稅璫梁永以伸國法請正稅監高淮擅預兵機  
罪官通政時遼事亟抗章數上乞斬辱國喪師諸  
臣以爲戒語甚切至直聲震都下性至孝其辭督  
學北直在里居侍母時最後以忤璫三疏乞終養

家居奉母絕口不談天下事所著詩文名醒耳吹  
今未見止存詩六首

石鼓書院

未討金科蹟先探石鼓文千峯杯外落二水檻前分古碣  
餘秦篆荒臺滯楚雲西窗青一帶岳色遠氤氲

登回雁峯懷趙揚州

青天七十二芙蓉回雁南來第一峯雲破月生湘浦棹鷺  
歸雪點寺門松峯前共羨人騎鶴斗下誰看劍化龍愁絕  
梅花千萬樹相思共聽隔江鐘

新聞北督學之命寄祝融君

五年夢斷紫宸班學道雲林早閉關湖海未教除姓字風

塵甯爲老容顏自應採藥來三島莫漫移文到北山指點  
祝融問出處虬松千尺鶴飛還

宿祝融寺

拔地芙蓉月下看蕭森落木萬峯寒幽巖煮石和雲咽絕  
澗鳴弦帶雪彈夜榻只緣搔背好秋風非爲折腰難生來  
不具平章骨半夜何心問嬾殘

朱陵後洞

一自羅浮去路長藤花天棘覆雲牀仙人獨下葳蕤鎖猶  
有金膏秘禹糧

袁員外子讓 二首

子讓字子肩郴州人萬歷辛丑進士授嘉定州知



州有惠政入爲兵部員外郎嘉人攀轅泣留入嘉  
定名宦祠子肩少日以香海棠賦得名嘉定州南  
有香海棠亭碑刻子肩海棠賦其思戀如此子肩  
能古文有香海棠集未見僅存詩二首郴州志人  
都有上湖南試館子讓題其楹帖云岫樓坐衡宗  
揖五蓋九疑青紫千層朝薊北瀟湘匯郴水帶三  
江七澤風雲萬頃壯湖南入本朝館爲王內翰  
某所據州人控之當事執此帖爲左證仍斷爲上  
湖南會館至今入祀試館先賢祠州志入郡賢

衡山夜眺二首

雲散攀躋最上峯杖頭七十二芙蓉盤紆徑受穿林月髣  
歷煙隨引道松仙去尙留歸洞鶴壑深疑有聽經龍夜來  
花雨登壇後風靜天空寺寺鐘

南山面面對南薰紫蓋朱明暝色分梧鳳尙來虞后碣山  
煙如護禹碑文巧垂簾箔寒溪水幻結樓臺靜夜雲我欲  
乘槎到天上披衣一見祝融君

李進士逢盛一首

逢盛祁陽人萬厯己丑進士

望岡池

半畝方池沈夜月百年遺器雜朝煙紅塵此際飛難到應  
是人間別有天

案望岡池在祁陽縣東六十里昔有道士掘地得  
古鐵釜可盛數斗刻文云望岡奉天觀莫辨其年  
代此詩見祁陽志山川門  
採到較遲增錄此卷之末

沈湘言集卷二十一終